

53

DISSERTATIONE PHYSICA,  
CAUSAS  
HÆMORRHAGIÆ

*E cadavere hominis violenter occisi  
naturales,*

*AUSPICE D E O,*

Et Approbante Ampliss. FACULT. PHIL.  
in Acad. ad. Auram.

*SUB PRÆSIDIO,  
Viri Amplissimi*

**DN. M. PETRI HAHN,**

Scientiæ Natur. Prof. Reg. & Ord.  
Academiæ Bibliothecarii Celeberrimi,  
Promotoris & Præceptoris pia animi re-  
verentia ætatem colendi.

*Ad publicum bonorum examen defert*

*S. R. M. Alumnus*

**JOHANNES POLVIANDER, S. F.**  
*Sat. Finl.*

*In diem 22 Decembris Anno 1698.*

*In Audit. Max.*

---

*Impr. apud Jo. Laurent. Wallium.*

In

SACRAM REGIAM MAJESTATEM

Suumā Fide Viro

Reverendissimo in CHRISTO

Patri ac Domino,

DN. JOHANNI  
GEZELIO,

S. S. Theologiæ DOCTORI

Consummatissimo,

Inclitæ Diœcesis Aboënsis  
EPISCOPO Eminen-  
tissimo,

Regiæ ibidem Academiæ PRO.

CANCELLARIO Magnificentissimo,

nec non

Consistorii Ecclesiastici PRESIDI  
Amplissimo,

DOMINO suo Benignissimo.

PACE M, GRATIAM, SALUTEM!!!

Reverendissime in CHRISTO Pater!

**A**udet humilis hæc pagella  
Nomen Reverendissimæ  
Vestræ Paternitatis tanti  
luminis sidus, fronte tua præferre,  
facem patrocinium & decus eo sibi  
fœneratura, quod quam religiosa  
pietate faciat, mens inter spem &  
metum fluctuans, oratione explicare  
nequit. Vereor quidem me  
audaciæ perrupisse limites, animum  
tamen veniæ spe pascere svadet, fa-  
vor ille singularis quo Rever. Vestr.  
Paternit. omnes præsertim Muta-  
rum

rum clientes. completitur, quo etiam Patronum & amplius se mihi meisque, beneficiis innumeris præstítit, quibus enumerandis ne dicam remunerandis et si omnem meam excuterem paupertatem, non sufficerem. Qvod igitur re non possum animo faciam : quo benevolæ Rever. Vest. Patern. benignitati satisfieri autumo, cum noverim Rev. Vest. Pater. satis remuneratam esse, si modo a te datum, ab eo qui accepit memoria teneri senserit ; hunc ergo tenuitatis meæ fœtum Rever. Vest. Patern. non ut premium, me obligatum, soluturum, sed ut pignos animi, beneficia collata recordantis, imo venerabunda mente admirantis, vultui subjicio. Permittat Rever. Vest. Patern. chartulam hancce sua subire tecta, benevolentiam si

bi & offerenti conciliaturam, qui nulla sua spe se iri frustratum verū benignitatem solitam experturum auguratur. Ad DEUM Ter. Opt. Max. supplices effundo preces, ut Rever. Vest. Paternitatem castris angelorum circumvallare, Ecclesiæ emolumento, Musis ornamen-  
to, Nobilissimæ Familiae gaudio & decori, clientibus patrocinio, seros in annos incolumen & salvam su-  
stentare velit. Hoc cordicitus æ-  
tatem vovebit, qui si Rever. Vest.  
Paternit. clientum numero, quo-  
cunque loco positus, annumere-  
tur, omnia se consecutum existi-  
mabit

Reverendiss. Vest. Paternitatis

*Servus humilimus*

J. P.

*Pl. Reverendis, Clarissimis, Reverendis,  
MAG JOHANNI GRAU/  
Pastori & Præposito in Pyttis e-  
merito.*

*MAG. ANDREÆ BERGIO,  
Pastori & Præposito in Tössala di-  
gnissimo.*

*DN BARTHOLDO RAJALENIO  
Pastori in Raumo dignissimo.*

*DN. SIMONI POLVIANDRO,  
Pastori in Italis fidelissimo.*

*MAG. MARTINO GRAU/  
Pastori Legionario pervigili.*

*Ita Promotoribus & Benefactoribus  
ut Avunculis, Affinibus, Parenti &  
obseqvio & amore*

*Doc*el*is*f*imis & Humanissimis VIRIS,  
MAG. CHRIST. WALSTENIO,  
Pastori & Præposito in Wehmo lon-  
ge meritissimo.*

*DN. NICOLAO BARER/  
Pastori & Præposito in Bekelar vi-  
gilantissimo.*

*DN. ERICO THOMÆO,  
Pastori in Siundo vigilantissimo.*

*DN. JOHANNI GRÄU/  
Pastori in Pyttis meritissimo.*

*DN. HENRICO MALM/  
Sacellano in Urdiala perfidi.*

*indubitatissimis & certissimis  
Consangvineis honore  
æternum proseqvendis.*

**N**on diu, Promotores, & Fautores ances-  
tibus hærebam, quorum nominibus hocce ex-  
ercitium inscriberem, cum propinquita-  
tem, & affinitatem, quibus vobis junctus sum,  
haec potissimum ratione notam fore judicaver-  
im. Beneficiis tuis benignis, Parens Carissi-  
me, in me collatis, neque verbis neque cata-  
mo respondere possum, quare ea pro invol-  
vam silentio, spoudens me nunquam veneratio-  
nem cui animo ejetrum, in cuius tesseram  
base pagellas a me oblatas Paterno affice o-  
culo filiumque te amantem redima. Ignoscer-  
Promotores, & Fautores, quod etiam nominatus  
Vestrīs base conditoris erum linea: causa hu-  
jus audie: & amor jam nominatus existit, qua-  
mobrem ingenii hanc mei messem parciorem  
ne fastidire, sed in grati animi a me accipite  
signum qui honori voluntatibusque Vestrīs ob-  
sequi. & Vestrū orationē incoluntatem,  
Ecclesiæ mihiqve non parum utilem, DEO sup-  
plici vote commendare studebo.

*Pl. Reverend. Vest. Clarit.*

*Reverend. Vest. Humanit.*

Observantissimus cultor

J. S. P.

# CANDIDO LECTORI SALUTEM.



im percepissim, multa pariter  
soli polique involvere gremium,  
quæ ad examen provocata cor-  
ruptæ rationis detererent rubi-  
ginem, & animo volutassim quid intanta  
rerum congerie arriperem, hec, ut in ea  
ingenii periclitarer vires, materia, non  
minus Argumento quam fama incluta,  
se se obtulit, cuius nobilitati tractantis  
simplicitatem non minimum detraxisse do-  
leo: prodit quippe non Eloqventiae con-  
decorata Phaleris, sed jejuno sterilis  
stylo, quod me ab instituto dimovisset,  
nisi B. L. veritatis quam facundie aman-  
tiorem imaginatus fuisset: eam simplex  
sectabar: hanc si affectassim illam pene  
amisisset; pollicor mihi præterea temporis  
angustiam veniam esse conciliaturam;  
ingenue enim fateor quod in hisce colligen-  
dis

dis ordinandisque me occupatum non nisi  
octo soles neque tunc quidem aliis curis  
vacuum viderint. Non parum autem  
rigida bujus aevi severitas cui nihil ad  
palatum est nisi paratum, conatum re-  
mornbatur, quam tamen in hicie exami-  
nandis mitiorem fore auguror, non enim  
novitatis studio in banc prodeo scenam,  
sed ut favorem tuum in me qualemunque  
perspectum habeam, quem nisi impetra-  
vero ad equiores rerum configio censores,  
apud quos mijorem in modum contem-  
dam, donec tenuitatem hanc meam in tu-  
telam suscipiant, eique patrocinentur, ut  
illorum fretus candore invidis invisus  
semper esse possim. Suscipe C. L. Mate-  
riae sublimitatem omnem in disputatore  
defectum supplementem, & huc mea, tua  
amantis, commendare perge. vale.

O DEI



DEUS, aeterno, qui dirigis omnia iustu-  
luxilium, queso, tu mihi mite feras,  
fac mea tranquillo, veniant ad littora statu-  
carbasa: fac, turbent nulla pericla ratem!!!

## SECTIO PRIMA.

### §. I.

uperstitionem, quam ve-  
ram magis, à multis præ-  
conceptam opinionem,  
de stillicidio sanguinis e-  
cadavere interemti, ad  
præsentiam occisoris, examinaturi, di-  
uturi, discussuri, de iis quæ existentiam  
Hæmorrhagiæ testataim facerent, non-  
nulla præmittere, ut evidentius hujus  
rei nobis existat judicium; operæ pre-  
tium duximus. Qvod facturis, inpri-  
mis oculorum nostrorum aciei sese ob-  
jicit sanguis, de quo multa, passim a-  
pud scriptores, memoratu reperiuntur

A

et-

digna ; miracula quid recenseamus ?  
cum cuique obvium sit, quid sacra ge-  
stet pagina ; ad mandatum scilicet glorio-  
sissimi cœli terræque Monarchæ, aqua-  
rum Ægyptiarum flumen, formam lan-  
gvinis recepisse, ad cujus momenti plus-  
rima annotanda, instructissima Histori-  
corum Phalanx haud ex langvis existit,  
quæ prodigiosa eorum multitudo, & ad  
rem nostram in præsenti negotio unice  
promovendam, imbecillis facultas, me-  
rito reticere jubet ; quo minus magna,  
qñæ in fœderibus pangendis, apud ve-  
teres præsertim Romanos, obierit mu-  
nia, moratur ; illum, pro corporis na-  
turalis parte acceperum, habituri, non  
quidem *primaria*, ad primam corporis  
constitutionē agente, sed *secundaria*, absq;  
qua, primariæ partes, consistentiam, o-  
perationem & esse naturale, habere ne-  
queunt ; huic in domicilium, provida-  
terum Mater Natura, venas prævidit,  
qui in iisdem fluxilis manat, pergitque  
in celeritate, quamdiu nihil occurrit,  
quod minuit vel impetum fistit ; cujus  
mo-

motus causam, ignem quendam in cor-  
dis parenchymate contentum, decreto  
eiusdem naturæ, undiquaque atomos  
suas dispergentem, calidum omne, quod  
eas non respuit, reddentem, ponimus;  
hujus caloris reliquias, sanguis in venis  
existens, etiam post mortem, *intellige vio-*  
*lentam*, aliquantis per retinet, per quas,  
ad tempus conservetur, & in consisten-  
tia atque fluiditate sua servatur; venæ  
enim, vasa sanguinis, non pari pronitatem  
ad putrefactionem tendunt, ac cætera  
corporis humani membra, quia non o-  
mnium eadem est indeles, propterea,  
quod corpus humanum penitus dissimi-  
lare & organicum, hoc est, ex partibus  
diversæ naturæ compositum sit; ut hu-  
midores & calidæ, facilius, quam fri-  
gidæ ac siccæ, quibus etiam venæ se  
annutnetant, putredini sint obnoxiae;  
unde etiam post corporis & animæ *a-*  
*vælæ*, ad sanguinem, cum spiritibus  
residuis, usque putrefactionem suam,  
conservandum, aptæ natæ sunt; qui spi-  
ritus, sanguinem, quamdiu in venis est,

<sup>4</sup> fluxilem efficiunt, it virum, & acutitatem, & fide, probatissimum, Greg: Horstium Tr. de cruent. cadav. egregie in hac re differentem, mihi testem provocem, dicentem: non mirum, quod corpus aliquod sanguineum, violenter cum vindicta mortuum, & ejusmodi communionem (scilicet quæ paulo ante mortem præcessit) humorum adhuc patiatur, & per dies aliquot, sanguinem per vulnus emittat: Ea enim natura est sanguinis in venis existentis, ut reliquias quasdam caloris & spirituum in se retineat, per quas commovetur ad tempus, eo motu, qui paulo ante mortem anima adhuc praesente, eidem fuit impressus.

## §. II.

Hactenus, hæmorrhagiæ existentiam probavit ratio, jam experientia evincet, quam, præter cuiusque propriam, excellehtissimorum virorum notatione una vel altera, testatum ibimus, quæ hic tam ob causam prænominationem, quam ob lucem, quam seqventibus differendis fœneraturæ sunt, conspe-

speciei subjicimus; quarum se primam offert, memorabile illud Thuani Lib. 32. Hist. de Cosmo Magno Hetruriæ duce, cui inter alios liberos, duo erant Filii, ingenio dispari, horum minor Garsias, diu, suffragante invidia, ob successum fratris Majoris Johannis, jam Cardinalis vix decimum septimum agentis annum, odium in pectore nutrit, cumq[ue] venabulo (teris enim tum insidiabantur) transfoderat; funere in fruticeto reperto, & facinore ad Cosmum delato, suspectus habetur Garsias, quem Pater, cadavere, in conclavi ædibus suis proximo, collocato, seimotis arbitris, levocatum & de fratre interrogatum, cum scelus pernigaret, corpus occisum accedere juber, ex quo renudato, sanguinem ad conseptum occisoris profluentem videns, dixit: En! sanguis Fratris tui, qui ultionem à D[omi]no atque me depositit; me miserum qui tales filios genuerim, aut iis superstites fuerim, quorum unum, immanni parricidio necatum, bisce aculis adspicere cogor, alterum, ni impius

iniquus juris inter meas dispensator sum, e  
medio tollere ipsa pietate suggestente, compel-  
lar &c. Qvod, fatente & crimen Gar-  
dia, & dissensionis principium dedisse  
Johannem, complevit, eumque pugio-  
ne quo fratrem confecerat, jamque  
cinctus stabat, supplici erepto, juxta Jo-  
hannis cadaver, neci dedit. Nec pos-  
sumus quin recenseamus, quod in oppi-  
do Rosswick contigisse refertur, vene-  
scam quandam, addictum arti sarto-  
riæ adolescentem, præstigiis suis sustu-  
lissee, quæ, jussu mariti, ut suspicionem  
a se amoveret, funus in feretro positum  
accedens, in hæc erupit verba: Hab-  
ich Schuld am deinen Tode/ so gib ein  
Zeichen von dir. Qibus terna vice re-  
petitis, sanguis ex ore & naribus de-  
functi, emanans, illam homicidii ream  
indicavit. Quid dicam? quod ingenio-  
sus ille Poëta Haarsdörffer/ in jäm-  
merlichen mord geschichten/ refert opili-  
onem, gregem suum pascentem, ē me-  
dio sublatum, & vepreto injectum fuit-  
se, quod illum condidit, & quarto de-

mum die sedulo perqvirentibus tradi-  
dit; recognito, judices, scelere patrato,  
causam inquirunt, donec suspicio, in  
duos Nobiles viciniam habitantes, ce-  
cidit, qvi capti, ad interemti corpus  
rapiuntur; qvid fit? Primus, vix limis,  
ut ajunt oculis, cadaver aspexerat, ecce!  
copiosissimum stillare cœpit sangvinem;  
Altero, autem, in conpectum cadave-  
ris delato, primo, ipsa occisi dextera,  
adstantibus vulnera, jam etiam ipsum  
cædis Auctorem, monstravit. Qvo fa-  
ctum, ut Nobiles confiterentur, se sce-  
leris concios, imo fontes, factisq; suis  
dignum luerent supplicium. Taceo  
puellam, à Judæis crudelissime occisam,  
avam vetula familiaris Judæis, in villa  
Pforzheim/ occidendam vendidit; illius  
omnes fere membrorum juncturas, in-  
cisionibus vulnerarunt, summo studio  
sangvinem exprimentes; defuncta ve-  
ro, post tormenta, flumini immergitur,  
& lapidum obtegitur congerie; ubia-  
liq; interjectis diebus, manus ad astra  
porrecta, aquis obvolutam pilicatoribus  
celac

celat; quo piaculo, Marchio de Baden accepto, pervenit ad corpus, quod eretum residens, manus ad Principem, quasi vindictam imploraret sanguinis, tetendit, indeque more defuncti se supinum depositus. Prodeuntibus autem in hanc scenam Judæis, statim in necis horrendæ testimonium omnia eruserunt vulnera, & abundantissimo sanguinis impetu, in eorum præsentia manaverunt. Porro longe plura, superior pariter atque inferior ætas, suppeditat exempla, quæ omnia referre temporis vetat angustia, priusque pagella, huic operi destinata, quam materia scribendi, me deficeret. Hæc allegata, cum pluribus cæteris, exempla, multis omnino persuadent, corpora innocenter occisorum præsente imperfectore, sanguinem è vulnerè, naribus, aut per alias patentes vias, profundere; nos huic rei, cum nihil certi subesse videmus, quamobrem, aliis suffulti rationibus, calculum ei non superaddimus nostrum; contingere quidem non diffitemur, ut ex vulnerè occisi,

eissi, sanguis profluat, verum id non tantum occidente, sed qvibuscumque præsentibus, accidere putamus; his defuncturus, ingenii vires, quantum hac in re valeant, tentabo; qvarum tenuitate agnita, pacisci tecum B. L. compellor, ut ea, qvæ delicatiori tuo palato minus arrident, dextre tibi commendata habeas, si qvæ insulta & incondita procedant, tenuitati meæ & materiæ difficultatib[us] benigne adscribas.

## SECTIO SECUNDA.

### §. I.

**P**RÆMISSIS sic iis, quæ ad existentiam Hæmorrhagiæ facere videbantur, instituti exigit ratio, ut ipsam rem aggrediamur; prolixa, Nominum (qvamvis rerum vocentur involucra, quæ fronde, loco insignium præferr) ad natales suos reductione & ambiguitatis expositione, C. L. eo minus suspendamus, quo hæc nullo negotio, claritate radiant sua; in propatulo enim est, vocem Hæmorrhagiæ,

A §

ori-

originem suam ducere, a nomine Græco  
sanguis, & fluo, sicque na-  
tura est Græca, usu vero facta Latina.  
Cadaver vero dicitur, a cadendo, ab eo,  
quod post mortem ceciderit, & sic de  
ceteris, quæ notissima sunt. Homony-  
miam, errorum nutricem, sequentia sup-  
peditant; scilicet prior vocis Hæmorrhagiæ  
pars, sanguis, non uno apud omnes  
modo, accepta reperitur: sumitur enim  
1. *Physice*, & quidem, vel *proprie*, tumque  
aut *generaliter*, pro humore calido, tem-  
perato, dulci, rubicundo in venis Meta-  
raicis, & hepate, ex partibus chyli sub-  
tilioribus conctecto; aut *specialiter*, pro  
puro sangvine, qui alias vehiculum ani-  
mæ salutatur. Vel *Impropriæ* pro cruento  
seu sangvine concreto. 2. *Rhetorice*, atq[ue]  
hoc sensu adhibetur, vel per *Metaphoram*,  
cum pro humore, sanguini colore simili,  
insurpatur. Nos hoc loco, modo *Physice*,  
licet non *specialiter*, tamen *generaliter* &  
*concrete*, pro sangvine vero & cruento;  
modo *Rhetorice*, per *Metaphoram*, pro hu-

more aliquo rubicundo, supponimus. Posterior pars, hic non apponitur *stri-  
cte*, pro guttis solum cadentibus, sed  
*late*, pro quocunqve liquidi rubicundi  
fluxu, sive stillatum, sive copiose pro-  
fluat. Nos, ulteriori homonymiae hu-  
jus vocis indagatione, superledemus,  
cum vindicanda ab omni æquivocatio-  
ne, majorem desiderarer pagellam. Ca-  
daver h. l. non sumimus *strictæ*, pro  
corpore penitus exsangvi & putrefacto;  
sed *late*, pro corpore violenter quidem  
exanimato, sed nonnullis tamen sanguini-  
nis reliquiis adhuc prædicto; denique  
vocem, *Homo*, hic supponimus, non *im-  
proprie*, quatenus picturam, vel imagi-  
nem hominis signat; sed *proprie*, in  
quantum animal rationale, ex anima  
rationali & corpore organico constans  
denotat; nuncupamus vero hic ho-  
minem *æquivoce*, non in *statu*, sed *amplia-  
zione*. Synonymiam, partim ob inopi-  
am, partim ob linearum, quas ducere  
constituiimus, paucitatem, penitus ne-  
gligimus,

## §. II.

Incomparabile illud commodum, ex definitionibus Logicis redundans, saepius in par incommodum, commutant ii, quibus ea, quae per se nota erant, iis commentari placuit, obnubilarunt; quare mihi ignotum iri spero, cum cuique pateat, quodnam disceptandum suscepimus, scil: *Cadaver hominis occisi, quod naturaliter sanguine stilare potest, presente vel absente imperfectore;* quam propositionem historiae, in sectione prima productae neutriquam destruent, cum dist: inter calus *naturales & supernaturales*, illas nos attendimus, de his vero quærere nostrum esse non censemus.

## SECTIO TERTIA.

## §. I.

**S**uscepto huic negotio expediundo maxime conductit, ut varias in hanc rem variorum sententias, repetamus & enodemus, ne in errorum devolvamur syrtes, multiplici enim doctorum cere

Cerebella hic laborant morbo, ut qvot  
capita scriptorum, tot fere opiniones  
nveniantur diversæ, qvo difficulter ve-  
citas investigare possimus tramitem;  
si ad Libavium in Tr: de cruent. cada-  
verum, oculos reflectere placet, qvi stil-  
licidii hujus causam, partim aptitudini  
sangvinis naturali tribuit, innuens po-  
tentiam qvandam natura cadaveri in-  
esse, quæ sangvinem, præsente jamico  
vel inimico, movere valeat, & motus,  
in vehementissimo affectu, in corpore,  
ante mortem existentis, vim, non cito  
extingui, sed in actum esse proclivē, &  
data occasione moveri; partim occilo-  
ris imaginationi, quem, scelus patratū,  
conscium terret, ut spiritus ab eo ad in-  
terfectum effluant, & ex eo cruentem  
qvendam educant: Hanc Libavii senten-  
tiam, Arabes ex parte ambiunt; sup-  
ponunt enim imaginationem adeo esse  
efficacem, ut non modo in id corporis, in  
quo est anima, multum juris habeat,  
sed externam quoq; materiam movere,  
immutare, alterare, absq; actione qua-  
piam

piam, per medium possit, sine organo corporeo. Hoc, rationibus sustinent stabilire seqventibus. 1. Qvia multi solo attractu ægrotantium, incurabiles, absq; remedio, sustulerint morbos. 2. Qvia serpentes, per imaginationem, in unū cogi possint locum. Hæc dicuntur, non vero probantur; putat Libavius suam fundari opinionem in nostra; cum faciles damus, sangvini in naturali suo vigore constituto, aliquam inesse vim ad movendum, hinc tamen non bene concluditur, illum mortum, anima jam separata, præcise ad præsentiam amici vel inimici determinari; committit ergo Fallaciā petitionis principii; nihil enim obstat, posito, natura cadaveri inesse vim, qua prælente amico vel inimico, qvoad spiritus & sanguinem moveatur, quo minus etiam, vel qvopiam, vel nullo adsidente, per facultatem illam motricem, moveri valeat. Existimat præterea Libavius, sanguini occisi inesse affectum ulciscendi se, falsam subjungens

hypothesin, quia affectus, non tantū ad animam, sed etiam corpus refert, cum tamen affectus sit passio animæ sensitivæ, inseqvens facultatē ejus appetentem, ut B. Sperl. in Zool. Corpus autem & anima maxime differunt, & distinctissima sunt. Rationem, ab imaginatione petitam, qvod attinet, mediante ea, spiritus, ex occitore produci & agere in occisum, ut sanguis profluat, sanæ rationi non videtur contentaneum, varios ac nefandos, non inficias ibimus, effectus esse imaginationis; hæc mirost efformat fœtus, qvod exemplum ovium, qvas Jacob pavit, fatis evincit; imaginatio, humoribus & spiritibus in corde dominatur; unde cum cogitamus rem terribilem, colligit se sanguis circa cor; jucundam si percipimus, effunditur; indigna aut turpi concepta, tendit in faciem; libidinosa ad genitalia cogit, atque in has aut illas partes, ut hæc vel illa imaginatio surripit, dicente Vallesio lib. 2. Contr: cap. 4. imo, præsente vulnerante, sanguis per imaginationem in vul.

vulnerato vivo excitatur, in mortuo autem  
num idem praestet, est quod negamus;  
nihil enim est, quod persuadeat nobis,  
spiritus ex occisore ad occisum egredi,  
& vapores ex eodem producere;  
fide dignius esset, si spiritus ab imperfectore  
ad imperfectum meantes, non  
nullas guttulas secum, quo exeunt sub-  
jecto, exprimerent; Frustra quoque  
Arabes Phantasiam, in materiam exten-  
nam, multum juris obtinete credunt;  
si enim in proprii corporis partes, pro-  
lubitu, agere non potest, quomodo in  
aliena imperet; sic digitus in gangrena  
est emortuus, sed imaginando non  
vivificatur; non ægrotat Medicus, de  
morbo dum cogitat; imaginor ignem  
vel aquam, non tamen calefit aut re-  
frigeratur cerebrum. Rationes, pro-  
fundamento hujus sententiæ, allatae, ni-  
hil ad rhombum faciunt; Distinguimus  
enim inter nudam imaginationem &  
superstitutionem, seu Daemoniacam con-  
federationem, huic non illi, si quid sub-  
sequutum, acceptum ferendum.

## §. II.

Explosa sic Phantastica illa opinione  
de imaginatione, non minus barbara nos  
excipit Corn. Gemmæ, qvi interfeitoris  
imaginem, in cadaveris occisi, velut sang-  
vine concreto, ad tertium usque diem  
conservari afferit, ut præsente eodem, re-  
sidiuus ille spiritus, propter ideam inhæ-  
rentem, in percussorem concitetur, nec  
prius sanguinem stillare desinat, quam  
qui injuriam intulit discedat; verum,  
quæ unquam sententia nugacioribus ex-  
pressa vocibus? quæ magis lubricis sut-  
tula rationibus? quid levius, quam  
stillicidium, ad tertium restringere diem,  
& non probare? quid vanius, quam in-  
nuere ideam interfeitoris, in cadaveris  
concreto latere sanguine? quo pacto  
hoc fieri, cum nunquam senserit aut co-  
gnoverit ideam, dicat, & Phyllida solus  
habeat; citra lensorum exterhut, non  
potest quis cognoscere praesentem; in-  
terior enim idea, cum objecto sensili  
conferri debet; hoc vero nemini, vel  
dormienti, nedum mortuo contingit;

clauso enim sensorio externo, & facultate deperdita, num cuiquam illa res, à qua speciem concepit sensilem, innoscatur, interroganda est experientia rerum Magistra; porro, non patet aliqua causa, quae concretum illum sanguinem reficiat & aquosum reddat, ut effluat; quid iniqvius eo, quod dicatur, residuum illum spiritum, propter imaginem suscepit, in percussorem obvium, provocari? spiritum enim residuum sensus & judicium deficiunt, quo interfectorem percipiat, & ab aliis distingvat. Quid falsius, quam negare stillicidium prius suppressi, quam occisor removeatur? cum Experientia contrarium probet; & unde, quæso, tanta crux in corpore humano copia quæ usque amotionem cæsoris stillaret

### §. III.

Inveniuntur & illi, qui erroris concepti rabie agitati, causas langvinis & cadavere, præsente occisore, ebullientis reliquias quasdam animæ esse statuunt

& ne absqve argumentis qvibusdam  
pugnare videantur, caudas angvillarum  
& pedes aranearum abscissos, ut ex-  
empla proferunt, ab animæ reliquiis  
moveri, qvæ premovent, ut adversario,  
qvi necem intulit, prælente, occitus  
mente concutiat, & ejus refervescat  
sangvis; referente inter alia Tholos:  
libr: 36. Synt: juris universi cap. 20. sed  
qvam procul à vero aberrent, cuique  
dijudicandum commendamus, cum ra-  
tiones a nobis allatas perpenderint; si  
fluxus sanguinis è corpore occisi, reli-  
quiis animæ attribuenda est, illæ reli-  
quiæ, aut erunt animæ rationalis, aut  
vegetativæ, aut sensitivæ; non rationa-  
lis, qvia hæc maxime indivisibilis est,  
jamqve à corpore separata manet; ne-  
que sensitivæ vel vegetativæ, qvia ipsa  
anima sensitiva & vegetativa à rati-  
onali, in homine, non realiter diffe-  
runt; eodem modo, ac animal & ho-  
mo in homine, non distingvuntur  
re, sed ratione, sic neqve in eodem  
duæ dantur realiter distinctæ animæ,  
sed

sed una, qvæ dat & sensum & rationem; allata autem assertio[n]is funda[m]enta, ad stabiliendam sententiam, nihil probant; cum caudæ serpentum & partes insectorum truncatæ, non illo tantum præciliè momento, qvo abscinduntur, & præsente divisore, sed ad præsentiam cujusq[ue], & toto illo tempore, donec vis omnis motiva reliquerit particulas illas, motum faciunt: non igitur animæ reliquiæ morum hunc cauantur, sed fervens qvidam calor, illum, beneficio sanguinis, in corpore aliquam diu retinet & fovet, ut Cl. Vogtius quem in hisce nos multum afflictos non fateri pudet.

## §. IV.

Nec desunt, qvi ad alias confundiunt causas, spiritus scilicet occisoris & interempti; primas inter hos Galeotus Martius tener, cruentationem hanc cadaverum, ad decimam vel duodecimam horam, à cæde commissa, restrin-gens; qvasi cuncti spiritus, cædis auto-ris, qvi conatum promovent, in truci-dandum convolent, hujusq[ue] vice versa

in occisorem; occisi verò sanguis, jam  
frigescens, fluere desinit; comperto  
autem occidente præsente, spiritus utri-  
usq[ue], suum quod egressi sunt subiectum,  
repetere amant, atque sic spiritus occisi  
redeentes, & occisoris recedentes, du-  
plicata vi, sanguinem ad fluxum prius  
ineptum, movent, ut sic agitatus ite-  
rum fluitet. Hanc etiam sententiam,  
fovent & amplectuntur sympathiæ de-  
fensores, ut Vincentius & Scribonius,  
cum cæteris statuenteribus, nonnullos  
spiritus inimicos, ab interfectore, in  
corpus occisi transfusos esse, qui im-  
minente occidente, sympathia quadam  
postulante, proprium petunt habitacu-  
lum, eodemque motu Hæmorrhagiam  
excitant; verum hanc pariter opinio-  
nem, ut fallam, merito proscribimus; ve-  
ritati enim non suffragatur Galeotus,  
dum stillicidium hoc horis, à tempo-  
re perpetratae cædis, certis includit.,  
cum dentur exempla quam plurima,  
quæ cadavera interemtorum elapsis a-  
liquot diebus, septimanis, imo annis,  
cru-

cruorem stillasse comprobent; quid nisi falsum? qvod spiritus, è proprio suo emigrent corpore, & diu alieno habitato domicilio, illud reperant; faciles quidem damus, internum fieri motum, caudante calore innato, in proprio suo subiecto, qvod autem illud in alieno efficiant corpore, est qvod tanquam commentum cerebelli humani rejicimus; ratio hæc est. 1. Si spiritus, proprium suum desererent domicilium, & in alieno exularent, seqveretur boves cæteraque animalia, præsertim si cum vindicta violenter occisa fuerint, ad præsentiam lanionis Hæmorrhagiam pati, par enim utriusque ratio, de qua nusquam testatur experientia. 2. Si Spiritus interfectoris, in occidendum convolarent, seqveretur illa cadavera, quæ absq; vindicta, vel ex improviso neci darentur, non stillare sanguinem, quod etiam veritati contrarium; cæterum, probatio Galeoto incumbit, qui fiat, quod spiritus interempti, in corpore vivant occisoris.

num anima occisoris vel occisi id præster, dicat; non illa, dissensum enim alunt invicem spiritus occisi & anima occisoris; neque hæc, anima enim occisi, ab ipsis jam separata, in certo suo περιστatur; miramur etiam, qua virtute, spiritus occisoris, sanguinem jam frigefat, fluidū efficiat, cum enim sanguis, ad fluxum, concretione ineptus constitutus sit, tunc quoque spiritus in ipso contentos, motrix sua facultas deficiet, qui spiritus, sunt subtilissimæ subtilissimi sanguinis particulæ, Sperl. in Zool. p. 152, jam, vero ut sanguis, omni deperdito calore, consistentia ac fluiditate sua privat, sic spiritus illi, absq; calore, in operationibus suis detigantur. Hisce præsuppositis, eos, qui sympathiam defendunt, nihil certi statuminare percipimus, quæ, si amor corporis naturalis unius erga alterum est, ut Sperling. amat loqui, eliminanda est, nulla enim amicitia hostes intercedit, nullus consensus inter latronem & interremum, bellant inimici, fortior debiliorem vincit & expell-

pellit, patet ergo spiritus occisoris fortiores, in se spiritus imperfecti ut debiliores, tolerare non posse, sed potius fugare & extrudere.

§. V.

Sic tacta, & pro modulo ingenii ostensa, quod sympathia nihil efficiat ad stillicidium excitandum, jam in aliam huic contrariam devolvimur sententiam, quae Antipathiam Hæmorrhagiæ causam esse insinuare videtur, proponiturque à Levino Lemnio, sequentem in modum: lib: 2. de occult. Nat. Mir. Quod si quis statuat propinquos ac sanguine junctos, sympathia quadam h. e. mutuo naturæ consensu, sanguinem elicere: facinorosum ac parati sceleris reum, Antipathia ac dissensione tacitaque discordia id ipsum efficere, non futurus sum in ea re contentius. Huic, Delrio pollicem premit, aliorum opinionibus adductis, haec adjungens: Neque abhuc vidi quid solidius adferatur illa Antipathia, ex uestimenti odio occisi in occisorum, quod qualitatem latentem ac arcanam impresserit corpori, cum cadavere permanentem.

Nec

Nec alienam gerit mentem Kircherus  
 art. Mag. part. 9. qvæst. post cap. 3. Ubi  
 prodigiolum hanc, ut vocat, naturæ acti-  
 onem explicat, cuius verba, cum nec  
 integra, sine rædio apponi possunt, nec  
 ex parte exhibuisse satis est, B. L. ipsum  
 totum in hisce volvendum commendam-  
 mus; verum, Antipathiam illam, qvam  
 urgent adversarii, esse motricem flu-  
 xus sangvinis è cadavere occisi, prælen-  
 te occitore, concitationem ( ut uno  
 complectar verbo ) spirituum, utriusque  
 ex ira præterita ortorum, nos appro-  
 bare non sustinemus, cum rei facies aliud  
 prorsus præferat, qvia Antipathia est  
 odium corporis naturalis unius erga alte-  
 rum, ob qualitatum dissensum & dissimi-  
 litudinē, proveniens; odium autem, pro-  
 natum inter occisum & occisorem, non  
 fluit ex qualitatib⁹ corporis, sed affectu,  
 qvi facultas animæ sensitivæ, non enim  
 inter eos pugna fuit ut corpora natura-  
 lia, sed qvatenus unus alterū odio, profe-  
 qvitur & illaræ injuriæ vindictā expetit,  
 atq; sic non est naturale, sed affectatum

& Ethicum; &, si in vivis, naturalis dis-  
sensus non erat, multo minus, in uno  
defuncto & altero vivo, id fieri potest;  
porro, O. Antipathia congenita est, ini-  
micitia inter sanguinem cadaveris & in-  
terfectoris non est congenita. E. Ma-  
jor confirmatur exemplis, quæ de vera  
Antipathia enunciantur, ut odium lupi  
erga ovem, felis in mures, à natura in-  
natum est: Minor quoque firma est,  
quia non una cum vita inimicitiam il-  
lam indidit natura; sincerissima nam-  
que amicitia saepius conjuncti erant ii,  
qui paulo post odii perciti cœstro, sibi  
invicem necem minantur, imo proh  
dolor! accelerant; concessio vero hoc,  
quod natura, odio interficiendum im-  
prægnasset, cur non in vita per stil-  
cidium appareret. Denique O. Antipa-  
thia perpetuo est eadem, at inimicitia  
inter sanguinem occisi & occidorem,  
perpetuo non est eadem, E. de majori  
testatur experientia; Mustela semper  
fugit serpentes, columba Accipitrem  
horret; de minori itidem, cadaver enim

perpetuo sanguinem non stillat, et si præsens sit facinorosus; plurimi hujusmodi eventus, opinioni non respondentes, sat declarant, multos cædis auctores ad cadavera raptos, ut sceleris innocentceret indicium, liberos suspicionis factos esse. Ad rei nostræ veritatem faciunt historiæ, qvæ, cadavera, ad cognitorum & amicorum præsentiam, non raro sanguinem effuderunt; testatur enim Libavius, cum sponsus appropinquaret funus sponsæ defunctæ, sanguinem è corpore profluuisse. Si qvem, hac in re, aliquid ulterius vexet, ad amicissimam collationem singulorum veritate suggestente, clarius evadet.

### §. VI.

Hujus rei, non tantum veritati dissonum, sed à pietate etiam alienum, fert judicium Bodinus, innuens animas eorum qui occubuerunt, in occisores infistere; eum seqvitur Kornm: dicens: *Ejus emissionis sanguinis quidam nullam ratione admittit, sed male, cum enim animal lateat in*

*sara-*

sanguine Gen. 4. Vox sanguinis Fratris tui clamat ad me de terra Eccl. illaque invita discedat ex corpore ob desiderium, quod tenet erga illud, circumerrat illud & se corpori insinuare tentat, & Augustinus dicit, animabus jam beatis in celo DEUM videntibus, inesse quendam naturalem appetitum administrandi corpus, quo retardantur, ne totaliter ferantur in DEUM. Crederem, igitur, animam, si adsit autor necis, corpus iterum intrare, & mouere vi ad vitam, cum deficiant & languida sint membra, saltem ad vindictam occisoris. Eccl. Cui tentiæ patrocinantur plerique, oberrantibus interemtorum animabus, hunc effectum, scil. fluxum sanguinis adscribentes, quorum nomina brevitas hic enumerare vetat. Verum, si nostrarum esset partium, longo hic ordine, rationes possemus adducere Pneumaticas, in quorum Scholas jam transfilire supersedemus, paucissimis nosmet explicaturi: ( $\alpha$ ) si anima, post solutionem a corpore, per corpus operari posset, tum idem adhuc informaret & ad actiones vitales obeundas disponeret, unde se-

que-

queretur corpus nunquam mori, sed vivere, quod quam absurdum, cuiq; ad oculum patet ; dicimus ergo nullam animam, quæ a corpore suo separata est, per id amplius operari, qvia nullus hic est contactus, sive corporalis, sive virtualis, quem tamen agens & patiens necessario poscunt, omnis enim anima, sive violenter, sive naturaliter, a corpore suo separata sit, in certo suo ποστο, non localiter & circumscriptive, ut materiæ, sed definitive, ut spiritibus competit, existit; ut non magis cadavera pererrare & cruentationem excitare queat. (β) Facile concedimus, animam, latere in sanguine, non *principaliter*, sed *instrumentaliter*, non *exclusive*, sed *inclusive*, & hoc quidem non in statu separato, verum coniuncto ; propensionem quoque naturalem ad corpus ipsi tribuimus, in appetitu vero ejus elicito dijadicando, tenuitatem nostram lubenter agnoscimus; et si probabilem hunc sibi pervadeat Scheibl. in Metaph. de anim s. p. fatur tamen, id naturali lumine non satis effi-

efficaciter posse concludi, hinc tamen non sequitur illam corporis viciniam habitare (γ) Qyod attinet loc. alleg. Gen. 4. illi, verbis B. Gerhardi Comment. in Gen: c. 4. obviam imus. Dicendo, quod 1. per prosoipopœjam atrocitas homicidii ibidem exprimitur, singulæ quasi guttæ sanguinis habeant linguas & vindictam exposcant. 2. Anima Abelis, coram DEO post mortem locuta. Apoc. 6. 11. 3. Clamor, quem edidit Abel, cum a fratre interficeretur, post mortem adhuc sonuit in auribus DEI; præterea potuisset DEUS dicere animam Abelis clamare ut Apoc. 6. Sed maluit mentionem facere sanguinis, quam spiritus ad astra recepti; ut crudelitatem parricidii exprimeret, & conscientiam parricidæ perstringeret admonitam sanguinis fraternali, quem effusum in terra viderat. Notius est, quam ut probationem mereatur, plures quoque repetiri, qui veracum explorare non possint, falla hic augurantur; confugientes ad causam universalem, neglectis particula-

laribus, cum tamen causa prima, quo ad ordinarium naturæ cursum, nihil agat absque secunda, item alias stillicidii causas machinantes, effingentes, qui, ut ut rem difficultate obvolutam, probabilem tamen, obtusata rationis umbra, obnubilare, quam veritati palmam dare satagunt, quibus recensendis haud immorabimur, cum illis os obturet illud Galeni: *qui rationes ineptas & ridiculas affervunt, vel etiam ea negant, quæ experientia confirmat, nihil consequuntur.* Unde veritas eos merito deridet.

## SECTIO QVARTA.

### §. I.

**J**am Adversariorum sententiis Miner-va tenui tactis, suffragante veritate, propria quid gestiat mens, saniores secuta Philosophos, adjiciamus; hisce autem defuncturis, trepidant artus manusq; tremunt, indeoles verum appetens inscitia periclitatur; quid suscipiam? hæreo, animo quo intendebam, prolabar, in aciem sc: veritatem amantium, quo-

quorum haud minimus existimandus  
B. Sperl. qui hac de re differens Inst. Phys.  
lib. 2. *Experientia*, ait, *de sanguine occisi, ad*  
*presentiam homicide, fallax est; nec enim sem-*  
*per sanguine stillat cadaver, nec quoties stil-*  
*lat homicide adstat, in venis cadaveris, ali-*  
*quot dies & septimanas, reservatur nonnunquam*  
*Sangris.* Hinc, vel levi facta commotione, ad  
corporis ruit habitum, ac per nares aliasq; vias  
patentes elabitur, sive adsit sive absit homicide.  
Hanc nos tuemur sententiam, quæ non  
ἀπλῆς sed καὶ τῇ intelligenda, nec o-  
mnibus in universum casibus applican-  
da, sed ad naturales tantū restringenda;  
qvamobrem cautius, particulam, *non-*  
*nunquam*, appoluit. Qvando itaq; con-  
tingit, cadavera innocenter sublatorum  
hominum, oculis nostris subjici, & sine  
omni commotione qvocunque ea veniat  
nomine, adstante imperfectore, Hæmorr-  
rhagiam pati, tunc effectum hunc ad-  
mirari, cum causas indagare non valea-  
mus, decet. Sed ut redeamus unde di-  
gressi sumus; fallacem experientiam  
hanc esse comprobat illud quod stillici-  
dium

diūm, certum indicium homicidæ præsentis, non præbeat; nam, quod ad præsentiam occisoris, jam evenit, jam vero non, neminem de adessentia ejus certum facere potest; porro, talis modus, ignotum explorandi cædis autrem, est ἀλογος & sacris contrarius literis; notat, qvidem, rationem aliquam inquirendi facinorosum, summus judex Deut: 21: 1. 2. 3. seq. nihil tamen de exploratione, qvæ per Hæmorrhagiam expediatur, mandat; denique, est inquisitio hæc periculosa, homines enim innocentissimi quoqve, impotentis præsentim animi, viso sanguinis profluvio consternuntur, adeoqve, vel pallescunt, vel rubescunt, vel tremunt, ut indicia veri malefici ostendant, qvæ nisi omnes rei circumstantiæ accurate persitentur, judices ad pœnas de insontibus sumendas svadent, qvod saepius compertum. *Quæ omnia cum ita se habeant* ( inquit Cl. 1st. Pet. Hegius ) & adhuc in natura, cum veritate ipsa, in Democriti puto, ut ita luget;

*abdicti jaceant, nec nisi a prudentissimis facile erui possint; ad judicij necessitatem ea transferre periculosum esset.*

§. I I.

Evi&to, fallacem hanc esse experientiam, de inquisitione homicidarum per stillicidium, qvid veri hac in re statuamus, jam jam detegendum fore, iustituti postulat ratio; sententia autem nostra hæc est: *Cadaver hominis occisi, naturaliter, sanguinem stillare potest, vel præsente, vel absente occisore, id est quocunque præsente, etiam, nemine. Dicitæ propositionis, evidentior nobis adhuc incumbit probatio, quam eruturi, amplissimos Physicorum incidi- mus in campos, in quibus ne pererremus, certis nos includimus limitibus; esto ergo causa hujus stillicidii naturalis.* 1. *Sanguinis & calidorum spirituum, in venis cadaveris, reservatio;* ut hæc cuique ad oculum pateant, dicimus, *calidum innatum esse substantiam quandam, in generatione corporibus viventibus insitam, & per omnes*

mnes corporis partes extensam diffusamque; qva mediante, anima, vitales actiones perficit, & differt specie a calido elementari; hoc idem calidum innatum, qvia est corporeæ naturæ, sensim absuntur, ne igitur destruatur subsidio indiget, a qvo partes decisæ suppleantur; hanc restorationem promover *calidum influens*, qvod propter naturæ cognationem cum *innato*, facile unitur; hocce, vero, iterum qvamvis ab *influente* juvetur & augeatur, tandem tamen deficit mortemque inducit; qvippe, qvod per calidum influens accedit, eo qvod decessit deterrius est, ut vinum affusa aqua debilitatur & in aquam tandem fere evadit sic calidum innatum, per influens et si adjutrix sit, non tamen ejusdem virtutis, debilius efficitur, donec nihil ejus residuum fuerit, qvo exstincto mors naturalis acceleratur. Sublato, autem, vel impedito calido influente, mors violenta adeat, cum igitur homini mors violenter infertur, mox calidum influens exit

exit & extinguitur; calidum, vero, innatum, cum nondum ab influente sit penitus debilitatum, non statim plane interit, sed sensim, paulo & conservatione destitutum, ad interitum tendit; hi reliqui spiritus una cum sanguine in venis conservantur, ut fluidus existat; nemini, enim, nisi hospiti in Physicis obscurum est, venas, peculiarem habere virtutem conservandi sanguinem, teste Horstio. Tr. de Cruent. Cadav. Nullus enim, nisi Physicianum rerum ignarus negabit hoc quod venæ, quæ sunt vasa sanguinis, peculiarem vim habeant, in sanguine conservando, quam ob causam sanguinis, quamdiu in venis est, tamdiu etiam naturam atque consistentiam suam retinet & fluxilis manet: ubi e venis exit, praeter naturam, iam in vivo, quam in mortuo corpore, statim in grumos concrescit: idque, propterea, quod calor exspirat, qui in violenter interfecti hominis corpore, per aliquod temporis spatium morari & sanguinem movere potest. 2. Venarum putrefactio.

Quæ-

Quæcunque generantur, etiam corrum-  
puntur & putrefactioni obnoxiæ sunt;  
nobilissimæ quoque creaturæ, hominis  
videlicet corpus, post mortem vitium  
trahit, non tamen omnia membra pa-  
riter in putredinem præcipitia sunt; sic-  
ut, namque, cæterorum corporum na-  
turalium, difficilius ad interitum ruunt  
duriora, quam mollia ( quis nescit nu-  
cleum putreficere prius quam nucem )  
ita etiam partes hominis omnes non si-  
mul putrefiunt, sed humidæ & calidæ,  
sicciores frigidioresque anteveniunt, ve-  
nas autem esse siccias, cuiuslibet manife-  
stum est, quamobrem, putredini resi-  
stunt diutius, quam caro, sanguinemque  
possunt retinere aliquot dies, etiam se-  
ptimanias; cum, autem, & his putrefac-  
tio dominetur, sanguinem quem con-  
tinent, emitunt, qui proinde per vias  
quæcunque patentes naturaliter effluit.  
3. *vulneris aliorumque meatuum apertio.*  
Quem enim latet, sanguinem, e concep-  
taculis suis, elabi non posse, cum viæ,  
vel sanie vel alio impedimento, obstruan-

tur; verum, cum calidarum exspiratio-  
num opera aperiuntur, quæ excitatæ,  
vel virtute solis calorifica, extrahente  
atomos igneas, e globo terreno, vel vi  
ignis appositi, vel à maximo hominum  
confluxu, in cadaver agunt, ut sanguis  
in eo fluidus efficiatur; que minus mi-  
ramur, stillicidium hoc fieri adducto in-  
terfectore, non quod ejus præsentia in  
causa sit, sed quod ad hoc spectaculum,  
concurrentium copia, ad effluvia calida  
excitanda, quæ vias sanguinis rarefa-  
ciunt clausas, inserviat. 4. *Cadaveris  
Commotio*, cum, vel ab intra, ope spirituum  
residuorum, vel ab extra, aut à circum-  
stantibus adspectatoribus, aut ab attin-  
gente persona, aut ab alio externo prin-  
cipio corpus movetur, quæ vel leviter  
facta, sanguinem per vias patentes ex-  
pellit. Denique 5. rationibus firmis sen-  
tentiam stabilitam, exempla adstruent,  
qvorum unum sugerente Horstio edi-  
mus, de infante, in ortu à Matre occiso,  
& in fossam aqua repletam dejecto,

cujus corpus, elapsis quinque septimana-  
nis repertum, non præsenie matre, (quæ  
incognita adhuc alibi, morbum forte  
simulans decumbebat) copiosum san-  
gvinem emisit; alterum suppeditat stu-  
diosi ad Dieben neci dati, cujus cada-  
ver, sceleris autor aqvis obtegendum  
misit, ex his congelatum eruitur, do-  
mumque in proximam deportatur, quo  
facto, nec amico, nec inimico præsente,  
sangvis ebullire videbatur. His omni-  
bus enumerandis, plurimi non suffice-  
rent dies; longe, autem, plura superior  
annotavit ætas, ex stillicidio certum fa-  
cinoris signum autumnans, in quo, num  
cæcitati, aut curiositati ejus plus tribu-  
endum, valde dubito; nobis, pauciora  
exempla, plures autem rationes, ad per-  
suadendam veritatem, sufficiunt; ut illa,  
ita hoc mihi admiranti, quod nobilissi-  
ma hæc materia à viris acumine & fo-  
lertia tractanda, non tantum tenuitati  
meæ juvenili semet subjicere dignata sit,  
sed etiam supremam sibi manum impo-  
ne-

nere vetet, cum plurima adhuc finu suo  
 obvoluta, à me intacta, gerat, quod ta-  
 men virium defectu compulsus, jam  
 facio; existimans simplicitatem meam  
 hisce satis probatam fore, quam B. L.  
 non aspernetur cum Balenas alant æqvo-  
 ra, barbuli vero exigui, ex parvulis ca-  
 piuntur alveis; ut vinea culta, prædul-  
 ces fert fructus, arvum autem tribulos  
 emittit; sic jam inculti, dum cultus fue-  
 rit, fœcundior prodibit messis;  
 pro hac & illa

GLORIA SUMMA DEO!

